

“24 ores cun Chël Bel Di” é na scomenciadia dl Papa Francësch che inviëia i credënc ai 13 y ai 14 de merz ala confesciun y ala adoraziun. Le Papa nes proponn la Carsëma sciöche n tēmp de renovamēt y nes chërda pormez “Fajede sterch osc cör!” cuntra l’anfataria che se desleria fora.

Insciö inviëia le Vësko les ploanies da ti pitë ai credënc la poscibilitë de jí a se confessë, de tó pert a funziuns de reconziliaziun y al’adoraziun eucaristica, ch’i orun tigní en vëndres y en sabeda.

Aldiënza dla defensuria zivica G. Morandell o de süa vize V. Crazzolaro, en vëndres, ai 13/03, dales 14.30–16.00, a S. Martin, te comun; info 0471 301 155.

Por ciafé debann les lëtres por i geniturs „Elternbriefe“ o „Lettere ai genitori“ che vëgn dades fora dal ofize provincial Familienagentur/Agenzia per la Famiglia bastel telefoné o mené na e-mail 0471 413 376 / elternbriefe@provinz.bz.it

La Uniun dles Ēres Catoliches de nosc decanat inviëia düc i geniturs che á n pice möt da batié, pers che aspeta, toc y totes de nosc decanat ala preparaziun dl bato, che vëgn tignida en sabeda ai 21 de merz dales 15.00 ales 17.00, tl salf de colonia a La Ila. Prenotaziuns 0471 849 372.

La Confermaziun vëgn zelebrada en chësta ota a Lungiarü en domënia blancia, ai 12 d’auri, danmisdé y la Pröma Comuniun a San Martin é la domënia dla festa dla uma ai 10 de mà; a Lungiarü tomara fora deach’al n’né degügn mituns tla secunda tlassa. La prozesciun cun le Corp Sant gnarà tignida a San Martin la domënia, ai 19 d’auri, y la festa de iubileum di maridà iubilars la domënia, ai 26 d’auri. Les prozesciuns di dis dles crusc sará l’edema dan l’Assënza, dai 11 ai 16 de má. La prozesciun dles Antlés é en chësta ota la domënia, ai 7 de jügn, a Lungiarü y la prozesciun dl Cör de Gejú la domënia do, ai 14 de jügn, a San Martin.

SAN MARTIN

Incö, domënia, 08/03, do mëssa referat dl cardiologh Felix Pescoller tl local di seniors tla ex-scora elementara a S. Martin, cun la poscibilitë de mosoré la presciun.

Düc é invià, dantadöt geniturs y jogh, al referat "la Dlijia y i jogh" de don Paolo Renner en dedolönesc, ai 10/03, dales 20.00, tl salf di stödafüch (org. Uniun di Ēi).

La Uniun di Ēi inviëa düc i ěi en domënia, ai 15 de merz, do la gran mëssa, ala istruziun cun siur ploan te dlijia, y la jöbia dl’edema do, ai 19 de merz, ala festa de Sant Ojöp cun mëssa ciantada dal cor de dlijia dales 19.00 y dedö al batadù por düc i ěi tl salf di stödafüch.

LUNGIARÜ

L’Uniun di Jogh da Lungiarü organisëia en domënia, ai 15 de merz, dales 11.30, la gara dl païsc sön la pista de munt cörta; iscriziuns pro Matteo Clara 339 20 89 342.

La Uniun di Ladins inviëia ala presentaziun dl liber de poesies de Elisabeth Oberbacher dal titutl “Ares de pavel” incö domënia, ai 8 de merz, dales 17.00 tl Badia-Pub a Pedraces tla cornisc musicala de Max Castlunger y de balet de Marialuise Stanghier.

La Uniun dles Patrones y le Consëi de formaziun inviëia al curs da fá l’agnel da Pasca de smalz cun Annamaria Fiung en lönesc, ai 30 de merz, dales 9.00 a San Martin tl salf di stödafüch. Prenotaziun pro Loise 0474 590 026.

8.3. - 15.3.2015 - nr. 15

Plata dla Cöra
de San Martin y Lungiarü

termo por publiché: jöbia dales 20.00

3ª Domënia de Carsëma - B

Vangele: Jan 2,13-25

Tl tēmpl àl urté i sciacri de armënc, bisces y colombes y i ingiamiadus de scioldi,

che ê sentà dailò.

Do ch’al â fat na scoriada de cordes

i àl parè düc fora dl tēmpl

adöm cun les bisces y i armënc;

i scioldi di ingiamiadus àl juté fora,

y sües mëses àl rosedè sotissura.

Ai sciacri dales colombes ti àl dit:

Jide demez cun chësc patüc,

ne stede a fà fora dla ciasa de mi Pere
n salf da marcé.

Sü discepui se recordà dla parora dla
Scritöra:

La pasciun por mia ciasa me consumëia.

Le tēmpl é n post sant, dailó velel d’atres regoles co sön les plazes y strades dla cité. Chësc ó Gejú nes desmostré cun so comportamēt. Al dedaincö stentunse tres deplü da capì ci che “sant” o “santité” significhëia. Che dlijies y cortines é posc sanc ne ti vëgnel a tröc gnanca plü imënt.

Les domënies y les festes, olache les botëghes dess gnì tignides stlütēs y le laür dess palsé tan inant ch’ara va, ne vëgn apëna plü sintides sciöche dis da santú. Chësc desplej, deache posc y dis sanc é chiló por le bëgn y la salvëza dla jënt.

A per cun le vangele va la pröma lëtra de San Paul ai Corinc che dij: “Ne savëise nia, che osc corp é n tēmpl dl Spirit Sant, che abitëia te os y ch’i ěis ciafé da Idí? I ne sëis nia de os instësc; deache i sëis gnüs cumprá ciará a n prisc dër çer. Porchël glorifichede Idí te osc corp.”

Insciö ne dess gnanca les porsones, che é tēmpl dl Spirit Sant, gní sfrutades y adorades por fins d’ütł y de interes materialai. La jënt ne pó nia diventé n meso por finalités economiches, mo alda da gnì respetada y sconada. (Image)



Ploan: siur Iaco Ploner ploner.jakob@aruba.it
tel.: 333 48 32 765 / 0474 453 003

Redaziun: T. Gasser anton.gasser@rolmail.net
tel: 348 27 44 517 / 0474 523 194

	SAN MARTIN		LUNGIARÜ
08.03.15 3^a Domënia de Carsëma <i>Dé dla Solidarité KVV-ACLI</i>	9.00 Les Staziuns 9.30 Gran Mëssa dla comunité <i>Oferta por le KVV</i>	08.03.15 Domënia	7.55 Les Staziuns ciantades 8.15 Gran Mëssa dla comunité <i>Oferta por le KVV</i>
09.03.15 Lönesc <i>Bruno, Franzisca, Domëne</i>		09.03.15 Lönesc	19.30 Cërtil dla Bibla te calonia
10.03.15 Dedolönesc <i>40 Martiri, Milio, Gustav, Atala</i>	19.00 Mëssa families Verginer, Chessl + Veneranda Graffonara en onù di Agnui Custodi 20.00 Ref. don P. Renner “La Chiesa e i giovani” por düc	10.03.15 Mertesc	16.30 Via Crucis
11.03.15 Dedemesaledema <i>Rosina, Ulrich, Heinrich H.</i>	19.30 Les Staziuns	11.03.15 Mercui	19.30 Mëssa + Serafin Clara + Ivo Sorà por les Animes 20.00 Sentada dl Consëi de cöra cun les Uniuns
12.03.15 Jöbia <i>Gregor, Maximilian, Beatrix</i>	7.30 Mëssa + Moritz Castlunger + Alfred Videsott + Erich Ties Corona por vocaziuns y confesciuns	12.03.15 Jöbia	7.30 Zelebrazium dla Parora de Dî
13.03.15 Vëndres <i>Iudita, Paulina, Rebeca, Leander</i>	19.00 Adoraziun eucaristica chîta 19.30 Zelebrazium dla Parora de Dî	13.03.15 Vëndres	7.30 Mëssa + Ernesto Sottotetti + Franz Clara, mone + + Valentin y Clementina Schanung dedô Adoraziun eucaristica chîta <i>(na mesora)</i>
14.03.15 Sabeda <i>Matilda, Conrad, Gottfried K.</i>	7.30-8.00 Adoraziun eucaristica 9.00 Indunada cun i Cresimanc 15.30 Mëssa tla Cîasa de Palsa 18.00 Confesciuns 18.30 Mëssa prefestia de rengraziamënt + + de Angela Castlunger, Roder vis y + + de fam. Elmar Clara	14.03.15 Sabeda	7.30-8.00 Adoraziun eucaristica 19.30 Les Staziuns 20.00 Mëssa prefestia 2 ^a de sopoltöra de Angela Nagler Costa aniv. Giovanni y Herta Clara + Zita Dapoz
15.03.15 4^a Domënia de Carsëma <i>"Laetare!"</i>	9.00 Les Staziuns 9.30 Gran Mëssa dla comunité dedô Istruziun por i ëi te dljia	15.03.15 Domënia	7.55 Les Staziuns 8.15 Gran Mëssa dla comunité